



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

V. Soluuntur obiectiones.

[urn:nbn:de:hbz:466:1-54092](https://nbn-resolving.de/urn:nbn:de:hbz:466:1-54092)

Q uod si etiam rationis iudicium consulatur, dubium se non poterit, quin Pœnitentia sive Contritio, includat dium culpæ præteritæ. Nam & naturalis est illa Synderet que malè facta in corde flagellat, etiam si exterius non motu non puniantur, sed ne cognoscantur quidem: & apud Ethe-
cos dicuntur furiis agitari, qui grauibus se sceleribus inquadrunt.

AD H A E C, non videtur intelligi posse, quo pacto quis peccata deserat, & ad vitam meliorem se transferat; nisi peccata & vita pristina, atq; adeò ipse sibi displicere incipiat: cur enim deserit, quod hactenus placuit, nisi quia placere iam defecit. *Nemo*, inquit *AUGUSTINUS* homil. 27. in lib. 50. hominum, elegit vitam nouam, nisi quem veteris pœnitit.

CAPVT V.

Soluuntur obiectiones.

E Q V B Lutheri argumenta vlliis sunt ponderis. Obiiciebat ille IN PRIMIS nomen Græcum Po-
nitentię *μετάνοια*, quod Lactantij testimonio si-
piscientiam significat.

SED vanum est, etymologiam potius nominis, quam usus eius considerare. Nam idem Lactantius lib. 6. diuinarum institionum, cap. 24. ubi nomine illud *μετάνοια* Resipiscientiam significare dicit; addit, eos verè resipiscere, quos errati penitent, & qui se ipsi castigant dementię. Et Tertullianus, qui lib. in Marcionem scriptū reliquit, nomen Græcum Pœnitentiam non à delicti confessione, sed à mentis demutatione dictum esse; in libro de Pœnitentia fusissimè docet, veram Pœnitentiam exigere odium, ac detestationem vitę præteritę, confessionem peccatorum, opera laboriosa, & alia id genus multa. ET Ausonius, vt in primo lib. citauimus, Metanœam esse docuit Deam, quæ facti, non factique pœnas exigit. DE NIQV Aristoteles lib. 3. de moribus, cap. 1. apertissime docet, Pœnitentiam ad præteritum factum referri: nam cùm vellet ostendere, non esse inuoluntarium, quidquid sit per ignorantiam eo argumento usus est, quia non semper homines pœniter faci, neque dolent cùm resciscunt quid fecerint.

SECVN

SECUNDО, Lutherus obiicit Proverbum illud: *Optima Pœnitentia, noua Vita.* & valde miratur, quid in mentem venerit Leoni Pontifici, ut proverbum illud damnare voluerit, cùm proverbia consensu omnium verissima esse soleant.

At non damnauit summus Pontifex proverbum, sed præsum Lutheri expositionem. Neque enim proverbio illo significare volunt homines, ad Pœnitentiam nihil aliud exigi præter vitæ nouitatem: sed, vitæ nouitatem esse certissimum veræ Pœnitentiæ argumentum. Qui enim sic peccata deflent, ut mox ad eadem reuertantur, aut etiam nunquam deserant; nihil omnino proficiunt: id quod pulchre docuit Spiritus sanctus per ECCLESIASTICVM, cap.34. *Qui baptizatur à mortuo, & iterum tangit eum, quid proficit lauatio illius? sic homo qui resunat in peccatis suis, & iterum eadem faciens, quid proficit humiliando se?* Et S.GREGORIVS homil.34.in Euangelia: *Qui sic, inquit, alia peccata deplorat, & tamen alia committat; Pœnitentiam agere aut dissimulat, aut ignorat.* & in libro de cura pastorali, par.3.cap.31.dicit, eos flendo inaniter se lauare, qui culpas post lachrymas repetunt: & in epist.ad Theotistam patritiam, lib.9.epist.39.copiosè refellit errorem quorundam, qui dicebant, de quolibet peccato Pœnitentiam triennio agendum, ac post in voluptatibus viendum. Denique proverbum illud rectissimè AMBROSIUS, seu quicunque est auctor eorum commentariorum; exponit, in cap.2.posterioris ad Corinth.vbi sic loquitur: *Hæc Veræ Pœnitentia est, iam cessare à peccato: sic enim probat dolere se sibi, si decetero definat.*

TERTIO, obiiciebat verba illa B.Pauli: *In Christo enim Iesu, neque circumcisio, neque præputium aliquid valet, sed noua creatura.* Galat.6.

AT B.Paulus non opponit nouæ creaturæ, Pœnitentiam, quæ est via ad nouam creaturam, sicut nec Baptismum, qui est instrumentum, quo efficitur noua creatura; sed circumcisio-nem, quæ post Christi aduentum nullam vim habet ad iustificandum, ut nec præputium. Itaque nunquam Paulus diceret: *Neque Pœnitentia, neque Baptismus aliquid valent, sed noua creatura:* neque enim Paulus cum Petro committendus est, qui Act.2.concionabatur: *Pœnitentiam agite, & bapti-zetur unusquisque vestrum.* Et Act.8. ad Simonem Magum;

Pœni-

Pœnitentiam age ab hac nequitia tua. Multò etiam min
B. Paulus Ioanni Baptiste, & Christo ipsi repugnaret, qui pr
dicationem ab illis verbis exorti sunt: *Pœnitentiam agite.*

A D D E, quod Apostolus in epistola ad Galatas, non vide
tur loqui de iustificatione à peccato, sed de operibus iustifi
catorum: est enim sensus verborum eius; Iis qui sunt in Ch
risto iam per Baptismum renati, & iustificati, noua vita nece
ssaria est, siue (vt ibidem ipse loquitur) Fides, quæ per dilectio
nem operatur, vt nimis iuste, sobrie, & piè viuant in ha
bendo: neq; periculum vllum imminet si præputium geran
neque vtilitatem vllam adferre poterit circumcisio. Quoc
a locus iste nihil facit pro errore Lutheri; neq; ad Pœnitent
iam pertinet, quæ iustificandorum est, non iustificatorum.

Q V A R T O, posset obiici pro Luthero locus ille A postol
2. Cor. 7. *Qua secundum Deum tristitia est, Pœnitentiam*
salutem stabilem operatur. h̄c enim videtur Paulus ita trist
tiam à Pœnitentia separare, vt Pœnitentia tristitiam non in
cludat, licet ab ea oriatur. **Q uod etiam confirmant verbale**
quentia, vbi Paulus explicans quid sit Pœnitentia, quam tri
stitia illa peperit; nihil aliud ponit, nisi opera quædam bon
quæ noua vita dici possunt: *Ecce, inquit, hoc ipsum, secunda*
Deum contristari vos, quantum in vobis operatur sollicitus
nem, sed defensionem, sed indignationem, sed timorem, sed di
siderium, sed amulationem, sed vindictam.

S E D non est vsque adeò difficilis responsio. Nam per tri
stitiam non intelligi ab Apostolo dolorem de peccatis, quæ
pars Pœnitentiae est, sed mœrem quendam ex obiurgatio
ne natum, qui ad Pœnitentiam, id est, ad peccati detestatio
nem inducit, ostendimus in libro superiore, cap. 19. neque in
illis verbis: *Ecce enim hoc ipsum contristari vos, &c.* explica
Paulus quid sit Pœnitentia, sed effectus potius, ac fructus Pœ
nitentiae. **A D D E** etiam, quod si B. Paulus eo loco Pœnitent
iam ipsam explicaret; nihil inde pro Lutheri errore collig
posset, siquidem inter alios actus numerantur etiam indigne
tia, & vindicta, quæ non nisi ad præteritum peccatum com
modè possunt referri.

Q V I N T O posset obiici, quod stultum esse videatur, nol
id esse factum, quod non potest non esse factum. Qui autem
de peccato præterito dolent, quid aliud cupiunt ac volun
quæ

quām senon peccāsse? ut verò non peccauerit qui iam peccauit, nullo modo fieri potest. Satius igitur videtur esse, cogitare de bona vita instituenda, quām anxium esse de mala transacta.

AD HOC R E S P O N D E M U S, stultum planè videri, absoluta voluntate id optare, quod nulla ratione fieri potest. Proinde qui de peccato dolent, non dicunt (si sani sunt) Nolo me peccāsse; sed cum conditione, Si fieri posset, nollem peccāsse; & quia fieri potuit aliquando, & mea culpa non est factum ut non peccarem, idèo iustè doleo, meque ipse accuso ac repræhendo, quod peccauerim.

NE Q U E enim probandum est quod Hadrianus, quæst. I. de Pœnitentia, docet, ne conditionalem quidem voluntatem haberi posse impossibilium. Nam si desiderium haberri potest, vt ipse fatetur, rei amissæ; cur non eriam voluntas conditionalis, vt (si fieri posset) res illa non esset amissa? siquidem desiderium illud naturaliter hanc voluntatem conditionalem parit. Certè qui mortuum desident amicum, non idèo lugent, quia diligunt amicum: sed quia nollent periisse quem diligunt. Et David cùm diceret: *Ab solon fili mi quis mihi tribuar, Et ego moriar prote*? 2.Reg.18. quid aliud significabat, quām optare se, si fieri posset, filij mortem propria morte redimere? Et Apostolus Paulus cùm diceret: *Nolumus expoliari, sed superuestiri*. 2.Corinth.5. non id volebat, absolute non mori, cùm in eodem loco subiungat: *Bonam voluntatem habemus, peregrinari à corpore, Et presentes esse ad Dominum*. Et Philipp.1. *Desiderium habens dissoluti, Et esse cum Christo*: sed volebat, si fieri posset, nō incidisse hominem in hanc moriendi necessitatem. Christus quoque satis apertè volebat, si fieri posset, vt calix transiret, tametsi non ignorabat, id iam esse à Patre statutum ac definitum, vt biberet illum. Denique ipse etiam Aristoteles in 3.lib.de moribus, cap.2. negat impossibilium esse electionem, sed voluntatem tamen esse concedit, nimirum conditionalem: nemo enim eligit semper viuere, cùm jd fieri nequeat, sed vellet tamen unusquisque, si posset, nunquam mori.



CAPUT